



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 13. Thomas Censuras secundo promulgat.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

fuetudines seruatorum promitteret, nulla vel honoris Divini vel Ordinis sui adiecta mentione, & Thomas constanter negabat, se quidquam iurejurando Regi posse promittere, quod Antecessores sui non promississent, & consuetudines approbare a Sacra Sede damnatas. Simon Prior, data ad Papam Epistolam actorum rationem reddens, memorabile disciplinae monasticae specimen refert. *Rogavimus, inquit, Fratrem Bernardum, ut & ipse, sicut nos, peractis jam mandatis, tibi scriberet, sed respondit; in Ordine suo omnibus Fratribus vetitum esse, sive Papae sive alii in quacunque causa literas dare.* Tantus erat in Ordine Grandimontensi rigor.

Sæcul. XII.
A.C. 1169.

ep. 3.

§. XIII.

Thomas Censuras secundo promulgat.

Thomas amare conquestus, quod Papa, a Rege Angliæ rogatus, potestatis suæ Archiepiscopalis effectum suspendisset, quia huic suspensioni sciebat adjectam conditionem, si Rex ante Quadragessimam satisfaceret, concessis induciis quatuordecim dies detraxit, totique Cle-
 4. ep. 14. 15.
 4. ep. 16.
 3. ep. 33.

Uu 2

nitus

- Sæcul. XII.** nitus cessaret, exceptis Baptismo parvulorum, Pœnitentia, & Viatico, ad quod conficiendum Sacerdos sacris operaretur portis clausis, campanis non pulsatis & ejectis excommunicatis (*). Præterea injungit, ut Geofridus *Ridel* & aliquot alii, præcipue vero illi, qui Bona Ecclesiarum retinebant, aut Beneficia de manu Laicorum recipiebant, excommunicati denunciarentur. Eadem datis literis Monasterio Ecclesiæ Cathedralis Cantuariensis, Capitulo Dubrisiensi, illiusque provinciæ monasteriis, Archiepiscopo Rotomagensi, ejus Clericis populoque, mandavit. Episcopo Wintoniensi quoque scripsit, & postquam meminisset se jam annos quinque in exilio versari, atque Nunciorum Sacræ Sedis Gratiani & Viviani irritos fuisse conatus, Venerabili huic Episcopo, Suffraganeo suo, præcipit;

(*) De suspensione potestatis suæ S. Thomas in Epist. ad Conradum Archiepiscopum Moguntinum ita scripsit: *Suspensionem nostram in utriusque Regni compitis quasi voce Prætonis jactat Rex Angliæ, & in testimonium confusionis meæ . . . literas Apostolicas profert. Gloriatur & terminum sibi datum nec me velit recipere in gratiam. Quod si fuerit, facturus est ad Kalendas Græcas, id est nunquam. &c.* Cardin. Baronius ad ann. 1169.

cipit, ut Officium Divinum in tota sua ^{Sæcul. XII.}
 Diœcesi cessare jubeat, nisi Rex ante Fe. ^{A. C. 1169.}

stum Purificationis Ecclesiæ satisfaciatur.
 Paria mandata aliis Episcopis Suffraganeis suis perscripsit Thomas, additis Excommunicatorum, videlicet Gilberti Episcopi Londinensis, Jacelini Episcopi Saresberiensis, Geofridi *Ridel* Archidiaconi Cantuariensis, Richardi Vigorniensis Archidiaconi Pictaviensis, pluriumque aliorum, universim viginti octo nominibus.

Thomas Papæ & Cardinalibus scribens inter alia conquestus fuerat, quod ^{3. ep. 79.}
 Rex Angliæ reditus Ecclesiarum Cathedralium & Abbatiarum vacantium in suos ^{4. ep. 74.}
 usus converteret, novosque Pastores eligi prohiberet. Quare Papa data ad Henricum Regem Epistola dicebat: ^{3. ep. 2.}
In potestate tua retines (quod ad nostram pervenit notitiam) vacantes Episcopatus Lincolnensem, Bathoniensem, & Herfordiensem. Prohibes, ne fiat nova & libera electio, non tantum quæ Cæsaris, sed etiam quæ Dei sunt usurpans. Quare, obsecramus, tibi pro remissione peccatorum tuorum injungimus; Clericos illarum Ecclesiarum mone, ut canonice sibi Episcopos eligant, præsidium eis necessarium concede, neminem, quem eligere teneantur, nomina. Alioqui auctoritate S. Petri in te animadvertere cogemur.

U u 3

Hæc

Sæcul. XII. Hæc Epistola Beneventi nona Octobris
 A. C. 1169. anno millesimo centesimo sexagesimo
 nono data est (*).

§. XIV.

(*) Epistolæ Summi Pontificis Alexandri III. qua antea Jurisdictionem S. Thomæ suspende-
 rat, hic erat tenor: *Verum si præfatus Archie-
 piscopus in te aut Regnum tuum vel personas
 Regni interim aliquam sententiam tulerit, Nos
 eam irritam . . . censemus. Ad indictionem
 autem hujus rei & argumentum nostræ volun-
 tatis, literas præsentis, si articulus ingruentis
 necessitatis, ostendas. Alioquin Serenitatem
 tuam rogamus, & attentius commonemus, ut
 literas ipsas aut earum tenorem a nullo sciri
 permittas, sed eas habeas omnino secretas.* In
 hoc loco notam adjungit Natalis Alexander ad
 Sæc. XII. pag. 327. *Hæc Oeconomia erga Ro-
 gem potentissimum utendum visum est pruden-
 tissimo Pontifici & potius leve aliquod vulnus
 Ecclesiasticæ Disciplinæ inferendum, quam in-
 tempestivis censuris invellendum in Schisma-
 tum toto Regno. Dei patientiam imitatus est,
 quæ Peccatores ad Pœnitentiam adducit. Et
 quamvis a Cantuariensi Archiepiscopo Regem
 juste excommunicari & Regnum Interdicti
 supponi posse non dubitaret; tamen zelum co-
 hibendum censuit ad tempus, ne graviora ma-
 la orirentur, & multarum animarum pernicitas.*
 Huc usque Natalis. Jussit quidem postea, ut
 §. XVII. videbimus, Alexander Papa, datis ad
 Archiepiscopum Rotomagensem & Episcopum
 Nivernensem literis, eos post unum mensem